



DET KONGELEGE  
JUSTIS- OG BEREDSKAPSDEPARTEMENT

Os kommune  
Fusa kommune

Dykkar ref.

Vår ref.  
17/3058

Dato  
24.05.2017

**Vedrørende klage frå Os og Fusa kommunar over Politidirektoratet si avgjersle av 13. januar 2017 om endringar i den lokale strukturen i Vest politidistrikt**

Justis- og beredskapsdepartementet viser til felles klage av 6. mars 2017 frå Os og Fusa kommunar over Politidirektoratet si avgjersle av 13. januar 2017 om endringar i den lokale strukturen i Vest politidistrikt. Det er opplyst om at klagen vart motteken i Politidirektoratet 24. mars 2017.

Politidirektoratet har i brev til Os og Fusa kommunar av 28. mars 2017 avvist klagen. Kopi av brevet er sendt til Vest politidistrikt og Justis- og beredskapsdepartementet. Politidirektoratet grunngjev avvisinga med at klagen vart fremja for seint, jf. *Forskrift om klageordning for kommuner som berøres av ny tjenestestedsstruktur i politi- og lensmannsetaten* av 22. juni 2016, § 2. Fristen for å klaga vart satt til 10. mars 2017. Politidirektoratet har opplyst at dei mottok klagen først den 24. mars 2017. Klagen er difor sett fram for seint, jf. forskrifta § 2 andre ledd. Det går fram av § 2 i forskrifta at ein klage som er fremja for seint skal avvistast.

Os og Fusa kommunar har mellom anna ført opp at dei frå 2020 vert ein felles kommune og gjer mellom anna gjeldande at: «*Det er difor med undring vi registrerer at Fusa og Os er foreslått å vera i to ulike lensmannsdistrikt*». I denne samanheng vil departementet understreka at ein i samband med evalueringa av endringane i politiet sin lokale tenestestruktur også vil vurdere endringar som følgje av dei kommunesamanslåingar som er satt i verk.

Postadresse      Kontoradresse      Telefon - sentralbord      Politiavdelinga  
Postboks 8005 Dep      Gullhaug Torg 4A      22 24 90 90  
0030 Oslo      0484 Oslo      Org.nr.: 972 417 831  
0030 Oslo

Sakshandsamar  
Jan Inge Helgheim  
22 24 55 91  
jan-inge.helgheim@jd.dep.no

Det vert her vist til brevet frå Politidirektoratet av 28. mars 2017. I brevet går det mellom anna fram at politiet vil involvera kommunane i prosessen med å finna fram til kva justeringar som er mest føremålstenlege i samband med dette.

Elles vil departementet visa til dei sentrale krava som er stilt til polititenestene, jf. mellom anna Prop. 61 LS (2014-2015) og Innst. 306 S (2014-2015). Her går det fram at politiet jamleg skal drøfta innretninga av det førebyggjande arbeidet og vakt- og patruljetenesta i området med dei kommunane det gjeld. Departementet legg difor til grunn at dette vert følgd opp i Vest politidistrikt.

Justis- og beredskapsdepartementet er samd i Politidirektoratet si vurdering om at klagen må avvisast.

Politidirektoratet si avgjersle om avvising av klagen frå Os og Fusa kommunar av 6. mars 2017, jf. brev av 24. mars 2017, vert med dette stadfesta.

Ein kopi av dette brevet er sendt Politidirektoratet til vitande.

Med venleg helsing

Thor Arne Aass  
ekspedisjonssjef

Sven Olav Gunnerød  
avdelingsdirektør

Kopi: Politidirektoratet

*Dokumentet er godkjent og blir sendt utan signatur*